

Mahathir: 10,000

guru masih

lagi diperlukan

MENTERI Pelajaran, Dr. Mahathir Mohamad menjelaskan, negara akan terus kekurangan guru terlatih jika pengambilan guru pelatih berterusan pada paras 3,000 orang setahun.

Menurut beliau, negara sedang mengalami kekurangan lebih 10,000 guru.

Beliau menegaskan, jika penambahan tidak berubah masaalah kekurangan guru akan berterusan selama lebih tiga tahun.

Dr. Mahathir berkata demikian ketika merasmikan Persidangan Pengetua-Pengetua Maktab Perguruan di Maktab Perguruan Bahasa pagi tadi.

"Kekurangan yang dinyatakan itu berdasarkan juga nisbah guru dan kelas dan jika nisbah itu dipertingkatkan, sudah tentu dengan sekelip mata kekurangan akan berlipat-ganda.

"Tambah pula kalau jumlah murid per darjah dikurangkan untuk menambahkan kesan pelajaran, maka kakitangan sekolah akan meningkat lagi," ujarnya.

Beliau menjelaskan, latihan perguruan harus me-

K. LUMPUR, Jum.

nitikberatkan kualiti dan kuantiti.

"Tidak syak lagi, negara kita memerlukan ramai tenaga pengajar terlatih di semua peringkat rendah dan menengah.

"Sebagai pengetua maktab, kita hendaklah mencari jalan yang sebaik-baiknya untuk menyelesaikan masaalah kekurangan guru terlatih yang kita hadapi pada masa ini," tambahnya.

Rancangan2

Menurut beliau, masalah guru sementara menjadi kebimbangan orang ramai terhadap mutu pengajaran dan penerimaan pelajaran oleh anak-anak mereka.

Beliau menyebut, mereka juga kluatir negara tidak dapat melaksanakan tujuan dan matlamat sistem pelajaran.

Dr. Mahathir menegaskan, empat pusat sementara perguruan bagi melatih guru-guru biasa dan rancangan raksaksa bagi melatih guru-guru sementara tahun depan, sedikit

sebanyak dapat menepati matlamat mengatasi kekurangan guru.

Beliau menambah, negara memerlukan guru berkaliber dalam berbagai bidang, termasuk kesanggupan membuat kerja-kerja sukarela.

Menurut beliau, untuk menambah pengetahuan perguruan, para guru harus, jika mendapat peluang, melawat ke luar negeri termasuk Jepun dan Republik Rakyat China.

Menteri itu berkata, kursus perguruan dua tahun, dalam beberapa aspek masih boleh diperbaiki.

Mungkin, ujar beliau, negara akan memperkenalkan kursus latihan tiga tahun, dan kursus latihan lebih tinggi sehingga membolehkan para lulusan menerima ijazah.

Beliau berharap, pengetua-pengetua maktab dapat memikirkan soal penubuhan kolej kakitangan bagi melatih guru-guru berpengalaman supaya mereka dapat mempertinggi mutu akademik dan profesional.

Dr. Mahathir menyeru usaha mempertinggi taraf kelulusan pensyarah maktab diteruskan.